

TRUPELA PIPAL TRUPELA STORI

BISNIS PROJEK BELONG PNG FAMA MERI



Yu bungim Susan - Lida na mento bilong ples Kwinka, Papua New Guinea

Susan em i wanpela fama bilong ples ol i givim bikpela rispekt long em na em wanpela ol i laik bihainim olsem wanpela rol model. Em i gat bikpela intrest na bel i kirap long samting i mas kamap bihain long ples bilong em Kwinka, long Westen Hailans, long Papua New Guinea (PNG). Em i wanpela Vilis Komuniti Eduketo (VCE), treina na mento bilong Binis Projek bilong Fama Meri long PNG. Susan bai i toktok hia long samting i bin kamap long laip bilong em wantaim dispela developmen na wanem senis i bin kamap long laip bilong narapela tu.

Susan i toktok dispela VCE trening em i isi long kisim na samting i gat nid long em nau na samting en i ken tilim long ol narapela kain wei em i isi tumas. Em i tingting em olsem wanpela stiaman o fasiliteta bilong helpim ol famili long kamapim gaten bilong mekim bisnis: lainim nupela rot bilong mekim gaten, plenim ol wok bilong fam, na lukautim ol samting yu gat bilong wok. 'Bilong kamap wanpela rol model em i bikpela samting tru. Namba wan rot bilong kisim save long ol VCE em bilong mekim wok wantaim ol long gaten na putim samting yu lainim long wok stret.' Susan i bin lukim ol manmeri i stat tingting narakain na putim samting ol i lainim long wok stret. 'Ol husat i bin mekim trening ol i stat tingting bikpela tru.'

Susan i save em i bin kamap mo gut long save olsem lida, fasiliteta na long komunikesan. Em i amamas em i bi winim samting i bin hat long em olsem toktok long ai bilong planti manmeri na lukautim samting i ken bagarap na lukautim kain samting yu wok long em. Susan em i laik mo trening na kisim mo save long toktok bilong helpim ol famili na komuniti long ol kain problem bilong ol. Em i amamas tumas long buk ol i kolim 'Famili bilong Maria'- ol dispela buk ol i mekim long ples stret bilong helpim ol famili bilong PNG- em i tok dispela kain buk em i gutpela tumas long ol lain i no save gut rit na rait.

Susan em i amamas long samting bai kam bihain taim ol i wok wantaim bilong mekim laip i gutpela long famili na komuniti bilong ol. 'Mi gat wanpela bikpela piksa nau long tingting bilong mi. Laip bilong mi bai i narakain long dispela laip bilong mi bin stap long em nau 34 yia. Em dispela (trening) i bin senisim laip bilong mi....mi bai stat long sevim moni na bai mi statim wanpela bansi bilong pig... mi statim pinis...em i wanpela bikpela piksa long tingting bilong mi na bai mi traيم.'

Susan em i wanpela bilong planti mo ol VCE long PNG husat i stap insait long dispela projek i kisim moni long ACIAR.

Mipela givim dispela stori long yu na Susan i orait long em. Yu lukim <http://pngwomen.estem-uc.edu.au/> bilong painim mo long trening, ol Maria Buk na dispela projek

***"Mi gat nau olsem
bikpela piksa long
tingting bilong mi... Laip
bilong mi bai i narakain
nau... Em (trening) i bin
senisim laip bilong mi."***